

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
27.07.2022թ. կայացված ԱՖ941987 որոշումն անփոփոխ, իսկ վարչական բողոքն առանց
բավարարման թողնելու մասին

<< 15 >> 08 2022թ. 7-13- 8455

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ
Ն.Սարգսյանս, վերանայելով Արսեն Համբարձումյանի ՄԴ/45119-22 դիմումի քննարկման
արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Արսեն Համբարձումյանը (ծննդյան հասցե՝ ք.Երևան, Շենգավիթ
վարչական շրջան, Չեխովի փողոց, 40-րդ շենք, 20-րդ բնակարան) դիմումով խնդրել է բեկանել
Ճանապարհային ոստիկանության վարչական իրավախախտման վերաբերյալ գործով
27.07.2022թ. կայացված ԱՖ941987 որոշումը՝ նշելով, որ առկա չէ իրավախախտումը
հիմնավորող որևէ ապացույց: Միաժամանակ հեռախոսակապի միջոցով, այնուհետև
էլեկտրոնային նամակով պնդել է դիմումում նշված հանգամանքները և խնդրել է դիմումը քննել
առանց իր ներկայության:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 27.07.2022թ. կայացված ԱՖ941987 որոշումը ենթակա է կատարման
հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 24-
րդ հոդվածի 5-րդ մասի <<բ>> կետի համաձայն՝ մեխանիկական տրանսպորտային միջոցի
վարորդը պարտավոր է՝ կառուցվածքով նախատեսված անվտանգության գոտիներով
կահավորված տրանսպորտային միջոցներով երթևեկելիս լինել ամրակապված և չփոխադրել
անվտանգության գոտիներով չամրակապված ուղևորների:

Վարչական իրավախախտումների վերաբերյալ ՀՀ օրենսգրքի 123.3-րդ հոդվածի
համաձայն՝ տրանսպորտային միջոցների անվտանգության գոտիները չամրակապած կամ
սաղավարտը չկոճկած վիճակում կամ առանց սաղավարտի տրանսպորտային միջոցներ
վարելը, ինչպես նաև անվտանգության գոտիները չամրակապած կամ սաղավարտը չկոճկած
կամ առանց սաղավարտի ուղևոր փոխադրելը՝ առաջացնում են տուգանքի նշանակում՝
սահմանված նվազագույն աշխատավարձի տասնապատիկի չափով, տուգանային միավորի
կիրառում՝ 1 միավոր:

Ուսումնասիրությամբ պարզվել է, որ 27.07.2022թ. ժամը 11:30-ի սահմաններում Երևան –
Սևան – Իջևան ավտոճանապարհի 62 կմ հատվածում քաղաքացի Արսեն Համբարձումյանի
վարած <<NISSAN>> մակնիշի 36XC525 հաշվառման համարանիշի ավտոմոբիլը կանգնեցվել
է Ճանապարհային ոստիկանության ՃՊԾ 2-րդ սպայական գումարտակի 4-րդ սպայական
վաշտի 1-ին սպայական դասակի տեսուչներ, ոստիկանության ավագ լեյտենանտ
Վ.Ավետիսյանի և ոստիկանության լեյտենանտ Ա.Հակոբյանի կողմից՝ <<Ճանապարհային
երթևեկության անվտանգության ապահովման մասին>> օրենքի 24-րդ հոդվածի 5-րդ մասի
<<բ>> կետի պահանջի խախտման համար, այն է՝ վարորդն ավտոմոբիլը վարել է
անվտանգության գոտիով չամրակապված վիճակում: Իրավախախտման կապակցությամբ

վարորդի ներկայությամբ և մասնակցությամբ կազմվել է համապատասխան արձանագրություն և Վարչական իրավախախտումների վերաբերյալ ՀՀ օրենսգրքի 123.3-րդ հոդվածով կայացվել է վարչական իրավախախտման վերաբերյալ գործով ԱՖ941987 որոշումը:

Ճանապարհային ոստիկանության ծառայողների կողմից տրված գրավոր բացատրությունների համաձայն՝ քաղաքացի Արսեն Համբարձումյանին պարզաբանվել է, որ կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումը եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ Ա.Համբարձումյանի ներկայությամբ և մասնակցությամբ կազմվել է համապատասխան արձանագրություն (վարորդը արձանագրության համապատասխան մասում հայտնել է իր գրավոր անհամաձայնությունը), այնուհետև կայացվել է ԱՖ941987 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, կամ տրանսպորտային միջոցի ընթացքը կամ տեղափոխվող բեռը, կամ վարորդը կամ ուղևորներն իրենց վարքագծով ակնհայտորեն վտանգ են ստեղծում երթևեկության անվտանգության համար: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 123.3-րդ հոդվածի հատկանիշը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 27.07.2022թ. կայացված ԱՖ941987 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Արսեն Համբարձումյանին:



Լ. Սարգսյան